

中國地理教科書

第二

七十三

中國文學名著叢書

卷一百一十五

序例

昔周代之時崇尚地學觀訓方氏掌辨天下之地域而正其封疆則言地學者必首明區畫天官各職均言惟王建國辨方正位則言地學者必首明地勢司險掌九州之圖而知其山林川澤之阻職方氏掌天下之圖以周知其利害則言地學者尤貴洞明形勝土訓援地生以詔地求大司徒以天下土地之圖周知地域廣輪之數辨其山林墳衍原隰之名物山師川師掌川澤之名辨其物與其利害則邦國之物產乃治地學者所當知也司險掌達九州之道路合方氏掌達天下之道路則道路之交通又治地學者所當考也訓方氏掌道四方之政事與其上下之志誦四方之傳道鄭君云即後世所傳述往古之事夫往古事跡猶傳訓不忘況于古蹟又黨正屬民讀法書其德行道藝夫時賢言行猶鉅細必書況于先哲若誦訓掌道方志小史

掌邦國之志志也者貫穿今古之書也則地理之沿革不得不
詳況司會之職于郊野縣都掌其書契版圖之貳而設官分職
與體國經野要政並垂故職方氏之職云置其職各以其所能
制其貢各以其所有則官制稅額均與地學有關後世志乘均
沿此例惟記載較繁若一統志諸書于山川形勝附見于古跡
之中昧于設險守國之義夫地理之學不外考古通今然近世
之治地學者各有所偏官書案牘可以通今而不足以考古圖
經史乘可以考古而不足以通今今編此書力矯此失以考古
通今爲宗旨不復偏于一端雖未能博考羣書然中國地理之
大綱略于斯可睹矣丙午十二月六日序

凡例

一此冊計三十六課以供學校第三學期之用

一各省地理大綱已見首冊故從此冊起均以省爲綱以府爲目舍順天府外均府各一課若直隸州直隸廳所轄之境稍狹則合數州數廳爲一課

一編輯次第先述黃河流域各行省揚子江流域各省次之西江流域各省又次之關東三省及蒙古新疆青海西藏又次之故此冊所述僅直隸山東二省

一每省先列總論其目分爲三端一地勢二交通三人文地理
一此冊於每府每州每廳均先詳其地望次詳其地勢而山脈之分合河流之原委均附見于地勢之中古人有言山川能說可以爲大夫即此旨也

一每府每州每廳均有所屬州縣欲考地理之區畫不得不注

意於斯今編此冊立府州之治所爲標而各州縣之地望均援此以推以定方位蓋四至本古法推測地望非此莫由

一中國疆域遷變靡恆離合省併今古不同故此冊於各府廳州均詳沿革所采之書多本洪氏乾隆府廳州縣志

一形勢之學兵家所重故此冊特詳形勝一門於古代戰爭之迹記載靡遺庶地學不流於空疏所采之書多采顧氏讀史方輿紀要

一班固有言采獲舊聞推表山川則揆張名勝亦治地學所不廢故此冊兼詳古跡凡山川之遷變台榭之廢興均詳加記載所采之書多本一統志及乾隆府廳州縣志

一昔閻氏作四書釋地兼詳人物蓋古人考獻與徵文並崇尚論古人所以抒懷舊之蓄念也故此冊兼誌人物鄉賢而外凡名宦流寓列女均附列其間所采之書多本一統志及廣

輿記惟芟削從嚴

一禹貢之記九州山海經之序山川咸詳徵物產而班固誌地於鹽鐵所產之區亦記載靡遺故此冊於各境物產擇要而書博采官書奏牘旁及報章均以最近之調查爲主而各境所興實業亦附載焉

一昔禹貢言九州貢道則道路之交通爲治地學者所必考而驛站郵政均爲交通之機關故此冊於物產以後詳列郵政驛站二門若汽車經過之地則兼詳鐵路所采之書均據官書所記載報紙所調查一以簡明爲主

一九州田賦記於禹貢蓋各境稅額不同可以驗土壤之肥瘠且可以覘民庶之富貧故此冊於各境稅額以官書爲據詳列爲表以俾學者之參考

一有一政即有一官有一官即有一事故此冊兼誌職官以驗

各境政務之繁簡

一吉金樂石考古所質故王象之輿地紀勝兼詳金石此冊畧仿其例惟擇要而書以續通志及寰宇訪碑記爲主以示徵實

一此書之宗旨不外考古證今故采於古冊者半采於官書者亦半以下數冊均用此例

目錄

黃河流域各行省總論

順天府一

順天府二

順天府三

順天府四

直隸省總論上

直隸省總論下

保定府

正定府

天津府

河間府

順德府

廣平府

大名府

宣化府

承德府

朝陽府

永平府

冀州
深州

趙州
定州

易州
遵化州

張家口廳
多倫諾爾廳
獨石口廳

山東省總論上

山東省總論下

目錄
濟南府

泰安府

東昌府

武定府

臨清州

濟寧州

曹州府

兗州府

沂州府

青州府

登州府

萊州府

膠州

中國地理教科書第二冊

儀徵劉師培申叔

第一課 黃河流域各行省總論

凡直隸山東山西河南陝西甘肅各省均居於中國北部近于黃河故其地名曰黃河流域

一地勢 大抵西境之地高東境之地勢稍卑故山西陝甘各省均爲山地河南東境山東南境爲平原而直隸東南則爲低地

一海岸 直隸山東均臨海直隸及山東北部所臨者爲渤海山東東南岸則臨黃海

二山脈 大抵黃河以北均爲北榦山脈山西直隸二省之山皆北榦之分支也黃河以南均爲中榦山脈陝西河南諸省之山皆中榦之正榦及分支也

三河流 以黃河爲最大縱貫六省若甘肅之大通河隍水陝西之洛河渭河山西之汾水河南之洛水均爲大川然皆與黃河相合惟直隸諸水會爲北河入海不與黃河通故其地亦稱白河流域

二交通 東部諸省交通機關漸備西部諸省交通機關多缺一鐵路 有蘆漢鐵路聯絡南北有膠濟津榆京津正太各鐵道聯絡東西而山西河南陝甘各省亦興築路之議惟尙未成

二電線 北京之線一南由天津至山東德州濟寧又由天津分一支線沿海達烟台膠州又由膠州分一支線西達濟南開封一西由保定至太原西安蘭州其西直達於伊犁

三驛路 一由北京南至濟南以達江蘇安徽一由北京西南至保定分爲二道一西至太原西安蘭州一西南至開

封

四商埠 昔時商埠均開於沿海及蘆漢膠濟兩鐵路交通而陸地開商埠者已有五所曰濰縣曰周村曰濟南曰許州曰開封均爲中國自開之商埠

五郵政 北京天津烟台濟南膠州均設總局開封太原西安蘭州均設副總局

三人文地理 中國北部人文地理多有可稱述者試略陳之

一人種 人種皆屬漢族惟各省均有滿蒙兵駐防又山西陝西以北多蒙古人甘肅多回民邊外復有番民雜處

二人口 北部人口稀少合六省計之約一億三千萬人以土曠民稀之故也

三職官 直隸置總督山東山西河南皆設巡撫陝甘同治於一總督之下惟陝西別設巡撫

四風俗 人民强悍有尙武之風惟刁悍少慮此其所短

五學術文化 古代學術最爲發達長於徵實而詩文亦多
剛勁之音

此黃河流域各省之大略也彙而觀之可以知中國北部之地
勢多與南部不同矣

第二課 順天府一

區畫及地勢 順天府東界遵化州東南界天津西南界保定
西界易州西北界宣化北及東北界承德朝陽又北阻長城西
據太行山脈潮白二水合流爲白河

至通州稱潞河
亦稱北運河

縱貫其中

央永定諸河分流斜貫其西東因此地爲巨川所經故東南地
勢平坦東西最廣處相距約三百四十里南北最長處相距約
四百五十里此府在直隸省中央獨立於直隸布政司外順天
長官爲順天府尹其治所在京師領廳四州五縣十九

京師 京城周四十里其內爲皇城周十八里有奇皇城之內

爲宮城周六里有奇京城之南爲外城廣延二十八里西北有

玉泉山山下有昆明池頤和園在其旁其支渠穿皇城京城名通惠渠

東達通州與潞河通特此水運糧人口百六十萬

東路捕盜廳同知 東路捕盜廳同知駐通州分轄二州五縣

通州東北爲三河縣東南爲香河寶坻二縣又東南爲甯河縣

香河縣西南爲武清縣三河東北爲薊州地勢在潞河流域最

爲坦平通州爲通永河道駐所凡南漕糧米盡輸於此爲京東

繁盛之區亦水陸交通之孔道又有鐵路通於京師

南路捕盜廳同知 南路捕盜廳同知駐黃村屬大興縣分轄一州

六縣黃村東南爲固安縣又東南爲永清縣東安縣固安正南

爲霸州又南爲保定縣文安縣又東南爲大城縣地勢在永定

河流域最爲坦平黃村東有南苑昔爲獵所今爲農田亦曠地也

西路捕盜廳同知 西路捕盜廳同知駐蘆溝橋屬宛平縣分轄一

州四縣蘆溝之東爲大興宛平二縣治京師西南爲良鄉房山二

縣房山之南爲涿州地勢當太行山脈之東中有大房山大安

山大漢山諸峰永定河自高下注水流過激蘆溝橋用石建築

跨永定河上蘆漢鐵路之鐵橋在其旁爲西南兩路入京之衝

途而良鄉涿州則皆當驛路之衝房州稍南並有蘆漢支路西

達周家店

北路捕盜廳同知 北路捕盜廳同知駐鞏華城在昌平南三十里分

轄一州四縣鞏華之北爲昌平州東爲懷柔縣東北爲密雲縣

東南爲順義縣又東爲平谷縣地勢多山而平谷東南之盤山

最有名昌平之西北適當居庸關之南路爲京師北方之要隘

明帝十三陵在州北密雲東北有古北口爲蒙古入長城之要道密雲提

督駐焉